



## INVITAZIUN

alla radunanza communal Surses da  
**glindesde, igls 26 da zarcladour 2023, allas 20.00,**  
an sala da cumegn Grava a Savognin

### Tractandas

01. Bavegna ed elecziun digls dombravouschs
02. Rendachint 2022
  - a) Preschentaziun e discussiun
  - b) Approvaziun
03. Rendachint davart projects d'investiziun terminos igl 2022: infurmaziun
  - a) Project d'investiziun «sanaziun reservuar Sur»
  - b) Project d'investiziun «sanaziun reservuar Balandegn Salouf»
  - c) Project d'investiziun «sanaziun veia naziunala e passape Rona (etappa Mulegn)»
  - d) Project d'investiziun «pumptrack, Savognin»
  - e) Project d'investiziun «sanaziun Veia Del a Salouf»
  - f) Project d'investiziun «Parc Ela Trek - hetta da Set»
04. Project d'investiziun «sanaziun provedimaint d'ava Pro digl Sot a Savognin»: dumonda per credit d'object da CHF 360'000.00
  - a) Preschentaziun e discussiun
  - b) Approvaziun
05. Lescha d'alps, pastgiras e prada digl cumegn da Surses
  - a) Preschentaziun e discussiun
  - b) Approvaziun
06. Revisiun parziala dalla lescha da votaziuns e d'elecziuns digl cumegn da Surses
  - a) Preschentaziun e discussiun
  - b) Approvaziun
07. Diversas infurmaziuns
08. Varia



### Protocol dalla davosa radunanza communal

Igl protocol dalla radunanza communal digls 24 d'avregl 2023 vign exponia per invista a parteir digls 19 da matg cun ed anfignen igls 17 da zarcladour agl spurtegl dall'administraziun communal a Tinizong. Igl madem mument vign igl protocol er activo sen [www.surses.ch](http://www.surses.ch) (categoria: politica & administraziun > radunanza communal > invitaziuns & tractandas). Durant chel termin d'exposiziun da 30 deis pon neir inoltradas protestas cunter igl protocol. Cunchegl tg'igl termin d'exposiziun n'è betg anc spiro igl mument dalla convocaziun dalla radunanza communal, vignan eventualas protestas tractadas pir a caschung d'ena proxima radunanza communal.

### Actas pertutgont la radunanza communal

Igl messadi e las actas tar tractanda nr. 2, nr. 5 e nr. 6 èn activos sen [www.surses.ch](http://www.surses.ch) (categoria: politica & administraziun > radunanza communal > invitaziuns & tractandas). Sen giaveisch ins pò retrer u ampustar igl messadi e las actas correspondentas sen palpieri tar igls sarvetschs d'abitants dall'administraziun communal (telefon: 081 659 11 60 u e-mail: [info@surses.ch](mailto:info@surses.ch)).

### Coordinaziun per pussebladad da carar an cuminanza (sen dumonda)

Persungas tgi dovran ena pussebladad da transport per neir alla radunanza communal resp. persungas tgi son porscher ena tala pussebladad, èn supplitgeidas da s'annunztgier igl de dalla radunanza communal anfignen las 12.00 tar l'administraziun communal (telefon: 081 659 11 60). Igl cumegn sa sprova siva da coordinar igl viadi alla radunanza communal e puspe anavos a tgesa. En dretg ad ena pussebladad da transport n'exista pero betg.